

PROXECTO DE ORDE DO XX DE XXXXX DE 2025 POLA QUE SE MODIFICA A ORDE DO 27 DE XANEIRO DE 2014 POLA QUE SE APROBAN AS NORMAS DE APLICACIÓN DO CANON EÓLICO.

A Lei 8/2009, do 22 de decembro, pola que se regula o aproveitamento eólico en Galicia e créase o canon eólico e o Fondo de compensación ambiental, creou un tributo ambiental denominado canon eólico, que somete a gravame a xeración de afeccións e impactos ambientais adversos sobre o medio natural e, por tanto, sobre o territorio, a través da instalación dos bens afectos á produción de enerxía eólica e situados no territorio da Comunidade Autónoma de Galicia.

O capítulo II do título II da Lei 5/2024, do 27 de decembro, de medidas fiscais e administrativas dedicado á enerxía eólica, aborda unha modificación da Lei 8/2009, do 22 de decembro, que afecta ao canon eólico e que entrará en vigor o 1 de xaneiro de 2026.

En concreto, modifícase a base imponible e o tipo de gravame do canon atendendo á redución do número de aeroxeradores e, en especial, ás afeccións visuais derivadas da súa altura, todo iso co obxectivo de contribuír a preservar o medio ambiente e de velar polo mantemento das necesarias actuacións de compensación e de reequilibrio ambiental e territorial a que están afectos os ingresos xerados por aquel; régulanse determinados supostos de exención e suprímese o artigo 16 da Lei 8/2009 relativo ás bonificacións na cota por repotenciación.

Cómpre modificar a Orde do 27 de xaneiro de 2014 para adaptar as normas de aplicación do canon eólico establecidas nela, como consecuencia das modificacións introducidas pola Lei 5/2024, do 27 de decembro, de medidas fiscais e administrativas na regulación do canon eólico. Así, modifícanse os artigos que regulan a declaración censual e a autoliquidación, coa obrigação de declaración de todos os aeroxeradores e a súa altura e, no seu caso, a condición de exento e incorpórase un novo anexo coas especificacións técnicas do arquivo no que se declaran as características do parque.

Así mesmo, modifícanse a Orde do 27 de xaneiro de 2014 pola que se regulan a subministración electrónica dos cartóns de bingo autorizados na Comunidade

Autónoma de Galicia e a presentación e o pagamento electrónico da taxa fiscal sobre o xogo do bingo, a Orde do 20 de outubro de 2015 pola que se establecen as normas de aplicación e a presentación e o pagamento electrónico da taxa fiscal sobre o xogo de apostas deportivas e de competición e se modifican determinadas normas tributarias e a Orde do 23 de decembro de 2022 pola que se establecen as normas de xestión e liquidación do imposto sobre o depósito de residuos en vertedoiros, a incineración e a co-incineración de residuos (Idires) para adaptar a redacción á nova operativa de carga de arquivos.

Por todo isto, conforme ao exposto, de acordo co establecido no artigo 37.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, e en virtude das habilitacións establecidas nos artigos 17 e 19 da Lei 8/2009, do 22 de decembro, pola que se regula o aproveitamento eólico en Galicia e créanse o canon eólico e o Fondo de compensación ambiental, de acordo co ditame do Consello Consultivo de Galicia,

ACORDO:

Artigo un. Modificación da Orde do 27 de xaneiro de 2014 pola que se aproban as normas de aplicación do canon eólico

Modifícase a Orde da Consellería de Facenda do 27 de xaneiro de 2014 pola que se aproban as normas de aplicación do canon eólico, que queda modificada como segue:

Un. Modifícase o número 4 do artigo 6, que queda redactado como segue:

"4. Os prazos establecidos neste artigo entenderanse prorrogados ata o primeiro día hábil seguinte, no caso de que o último día do período fose día inhábil."

Dous. Modifícase o artigo 8, que queda redactado como segue:

"1. Os suxeitos pasivos deberán, con carácter xeral, presentar electronicamente ante a Atriga, no prazo dun mes a contar desde o día seguinte á data de reivindicación e, en calquera caso, antes do pago e presentación electrónica da autoliquidación, unha

declaración inicial dos datos do parque e dos aeroxeradores consignados no modelo 007.

Para realizar esta declaración empregarán o modelo 007, que conformarán coa aplicación informática que a Atriga poña á súa disposición na OVT, de acordo coas instrucións aprobadas a este respecto no propio modelo e nas condicións e de acordo co procedemento previsto neste artigo.

Para cumprir as obrigas de presentación da declaración dos datos dos aeroxeradores, os suxeitos pasivos incorporarán na OVT un arquivo que terá as especificacións técnicas que se detallan no anexo IV.

Unha vez transmitido o arquivo, aparecerá unha mensaxe informativa do resultado da carga. O arquivo poderá ser enviado as veces que sexan necesarias, prevalecendo sempre os datos contidos no último arquivo remitido.

Unha vez incorporados os datos tras a transmisión do arquivo, mostrarase o modelo 007 debidamente cuberto, debendo ser confirmado polo suxeito pasivo, momento no que se lle asignará un número identificativo do modelo.

2. Unha vez confirmado o modelo 007, o suxeito pasivo deberá proceder á presentación telemática del, de xeito que transmitirá os datos da declaración coa sinatura electrónica, xerada ao seleccionar o certificado dixital recoñecido. Se o presentador é unha persoa ou entidade autorizada para presentar declaracións en representación de terceiras persoas, requirirase unha única sinatura, a correspondente ao seu certificado.

3. Se a declaración é aceptada, a aplicación devolveralle ao suxeito pasivo en pantalla:

- Un código de identificación, que se denominará código do parque, formado por cinco caracteres numéricos, que deberá ser empregado polo suxeito pasivo en todas as actuacións que teña coa Atriga na aplicación deste tributo. A asignación deste código supoñerá a inscrición no CEPEG.
- O modelo 007 debidamente cuberto cos datos do parque e dos aeroxeradores declarados e co código de identificación anterior. O modelo estará validado cun código seguro de verificación formado por dezaseis caracteres, con

indicación da data de presentación. Este modelo servirlle de xustificante da presentación da declaración inicial na data sinalada no propio modelo.

4. No caso de que a presentación fora rexeitada, mostrarase en pantalla a descrición dos erros detectados. Neste caso, o suxeito pasivo deberá proceder a emendalos mediante a aplicación informática. Se o rexeitamento da presentación fose orixinado por un motivo non emendable, o suxeito pasivo deberá repetir a presentación.

5. O suxeito pasivo deberá conservar a declaración aceptada e validada co correspondente código seguro de verificación.”

Tres. Modifícase o número 1 do artigo 9, que queda redactado como segue:

”1. Cando se produza algunha variación nos datos rexistrados no CEPEG, diferente ás contempladas nos artigos 10, 11 e 12 desta orde, os suxeitos pasivos deberán presentar comunicación electrónica daquela ante a Atriga, no prazo dun mes contado desde o día seguinte á data da autorización da modificación, no caso de que fose preceptiva ou, noutro caso, desde o día seguinte á data na que se produza dita modificación.

Para realizar esta declaración empregarán o modelo 007, que conformarán de acordo coas instrucións aprobadas a este respecto no propio modelo, coa aplicación informática á que fai referencia o artigo 8 anterior nas condicións e de acordo co procedemento previsto nel, coa excepción da incorporación na OVT do arquivo se non fose necesario modificar os datos dos aeroxeradores do parque.”

Catro. Modifícase o artigo 10, que queda redactado como segue:

”Artigo 10. Procedemento para a modificación do carácter de parque eólico exento.

1. Cando durante o período impositivo un parque cambie a súa condición de exento ou non exento, o suxeito pasivo deberá presentar comunicación electrónica desta modificación ante a Atriga, no prazo dun mes contado desde o día seguinte á data da autorización que determine a modificación.

Para realizar esta declaración empregarán o modelo 007, que conformarán coa aplicación informática que a Atriga poña á súa disposición na OVT, de acordo coas instrucións aprobadas a este respecto no propio modelo e nas condicións e de acordo

co procedemento previsto no artigo 8, coa excepción da incorporación na OVT do arquivo se non fose necesario modificar os datos dos aeroxeradores do parque.

2. Unha vez confirmado o modelo 007, o suxeito pasivo deberá proceder á presentación telemática del, de xeito que transmitirá os datos da declaración coa sinatura electrónica, xerada ao seleccionar o certificado dixital recoñecido. Se o presentador é unha persoa ou entidade autorizada para presentar declaracións en representación de terceiras persoas, requirirase unha única sinatura, a correspondente ao seu certificado.

3. Se a declaración é aceptada, a aplicación devolveralle ao suxeito pasivo en pantalla o modelo 007 debidamente cuberto cos datos declarados, e validado cun código seguro de verificación formado por dezaseis caracteres, con indicación da data de presentación. A comunicación referida determinará, no mesmo momento da aceptación pola aplicación da súa presentación, a modificación definitiva dos datos aos que se refira.

4. O suxeito pasivo deberá xustificar documentalmente ante a Atriga, no prazo máximo de 10 días, a modificación dos datos aos que se refire este artigo. Sen prexuízo do disposto no artigo 13, a Atriga, unha vez recibida a documentación xustificativa da modificación e verificada, procederá á modificación definitiva dos datos que correspondan.

5. No caso de que a modificación do carácter de exento se producira como consecuencia da modificación do suxeito pasivo, procederase consonte ao disposto no artigo seguinte.”

Cinco. Modifícase o número 1 do artigo 11, que queda redactado como segue:

”1. Cando por calquera operación ou título xurídico se produza a modificación do suxeito pasivo do canon eólico por un parque rexistrado no CEPEG, quen fose o suxeito pasivo con anterioridade á modificación deberá comunicar electronicamente á Atriga, mediante o modelo 007, unha baixa por modificación do suxeito pasivo, identificando o novo suxeito pasivo e este último, deberá presentar electronicamente unha declaración de alta por modificación do suxeito pasivo.

Para realizar esta declaración empregarán o modelo 007, que conformarán de acordo coas instrucións aprobadas a este respecto no propio modelo, coa aplicación informática á que fai referencia o artigo 8 anterior nas condicións e de acordo co procedemento previsto nel, coa excepción da incorporación na OVT do arquivo se non fose necesario modificar os datos dos aeroxeradores do parque, e debendo proceder da maneira que se sinala a continuación.”

Seis. Modifícase o número 6 do artigo 14, que queda redactado como segue:

”6. Se presentada a autoliquidación correspondente a un período impositivo se presentara un modelo 007 de acordo co sinalado nos artigos 9 ou 12, os suxeitos pasivos deberán presentar un modelo 012 para axustar a débeda tributaria do período impositivo. Para estes efectos, o usuario deberá confeccionar electronicamente no prazo sinalado no artigo 6.3, o modelo 012, no que practicará a autoliquidación do canon, determinará a débeda tributaria correspondente ao período impositivo da que descontará o importe ingresado na/s autoliquidación/s precedente/s, determinando o importe para ingresar ou o importe para devolver derivado da normativa, de acordo co sinalado neste artigo. Unha vez confirmado o modelo 012, no mesmo prazo e previamente á súa presentación o usuario deberá seleccionar a/s forma/s de pago conforme ás instrucións do modelo no anexo de datos de pago da cantidade positiva resultante da autoliquidación, de acordo co disposto no número anterior. No mesmo prazo establecido no artigo 6.3 e, no seu caso, tras a operación de pago, deberá proceder á presentación electrónica do modelo 012, de acordo co disposto no artigo 16.”

Sete. Modifícase o número 5 do artigo 17, que queda redactado como segue:

”5. Unha vez que a aplicación informática acepte a presentación de calquera declaración realizada mediante o modelo 007 polo usuario, xerarase o modelo 007 debidamente cuberto cos datos declarados e validado cun CSV formado por dezaseis caracteres, con indicación da data de presentación. Este modelo serviralle de xustificante da presentación da declaración de alta ou da declaración de modificación, segundo corresponda. O obrigado tributario deberá conservar a declaración aceptada e validada co correspondente CSV.”

Oito. Modifícase a disposición adicional sexta, que queda redactada como segue:

“Autorízase á dirección da Atriga a modificar ou actualizar mediante resolución publicada no Diario Oficial de Galicia os anexos desta orde, cando fose preciso como consecuencia da modificación das normas legais ou regulamentarias ou como consecuencia dos avances tecnolóxicos, os cambios de sistemas ou calquera outra circunstancia que precisase a correspondente plasmación nos modelos aprobados ou nas normas ou especificacións técnicas aprobadas polos devanditos anexos.”

Nove. Engádesse unha disposición adicional sétima, coa seguinte redacción:

“Disposición adicional sétima: Declaración dos datos do parque e dos aeroxeradores

1. Desde a entrada en vigor desta disposición ata o 15 de decembro de 2025, os suxeitos pasivos deberán presentar electronicamente ante a Atriga, unha declaración consignando no modelo 007 os datos do parque e dos aeroxeradores.

Para isto, os suxeitos pasivos incorporarán na OVT un arquivo que terá as especificacións técnicas que se detallan no anexo IV.

Unha vez transmitido o arquivo, aparecerá unha mensaxe informativa do resultado da carga. O arquivo poderá ser enviado as veces que sexan necesarias, prevalecendo sempre os datos contidos no último arquivo remitido.

Unha vez incorporados os datos tras a transmisión do arquivo, mostrarase o modelo 007 debidamente cuberto, debendo ser confirmado polo suxeito pasivo, momento no que se lle asignará un número identificativo do modelo.

2. Unha vez confirmado o modelo 007, o suxeito pasivo deberá proceder á presentación telemática del, de xeito que transmitirá os datos da declaración coa sinatura electrónica, xerada ao seleccionar o certificado dixital recoñecido. Se o presentador é unha persoa ou entidade autorizada para presentar declaracións en representación de terceiras persoas, requirirase unha única sinatura, a correspondente ao seu certificado.

3. Se a declaración é aceptada, a aplicación devolveralle ao suxeito pasivo en pantalla o modelo 007 debidamente cuberto cos datos do parque e dos aeroxeradores declarados e validado cun código seguro de verificación formado por dezaseis caracteres, con indicación da data de presentación. Este modelo serviralle de

xustificante da presentación da declaración dos datos do parque e dos aerogeradores declarados na data sinalada no propio modelo.

4. No caso de que a presentación fora rexeitada, mostrarase en pantalla a descrición dos erros detectados. Neste caso, o suxeito pasivo deberá proceder a emendalos mediante a aplicación informática. Se o rexeitamento da presentación fose orixinado por un motivo non emendable, o suxeito pasivo deberá repetir a presentación.

5. O suxeito pasivo deberá conservar a declaración aceptada e validada co correspondente código seguro de verificación.

6. Os datos do parque e dos aerogeradores declarados consonte co disposto nesta disposición producirán efectos a partir do 1 de xaneiro de 2026.”

Dez. Incorpórase un novo anexo co contido que se reproduce a seguir e que se numera como anexo IV e reenumérase o actual anexo IV da orde que pasa a ser o anexo V

ANEXO IV

Especificacións técnicas do/s arquivo/s informático/s para confeccionar a declaración 007.

A) Características dos arquivos informáticos a remitir electronicamente:

Os arquivos informáticos a remitir electronicamente a través da Oficina Virtual Tributaria (OVT) deberán cumprir as seguintes características:

- Nome do arquivo: 007_NNNNNNNN_AAAA_DDMMAAA, onde os valores seguintes serán:

- NNNNNNNN: o NIF da empresa (9 caracteres ou díxitos).

- AAAA: os 4 díxitos correspondentes ao exercicio fiscal ao que se refire a declaración.

- DDMMAAA: a data de efectos.

- Extensión do arquivo: TXT.

- O ficheiro que conteña os datos para a confección do modelo 007 será de formato texto plano codificación ISO 8859-1.

- Todos os campos alfanuméricos e alfabéticos presentaranse aliñados á esquerda e recheos de brancos pola dereita, en maiúsculas sen caracteres especiais, e sen vogais acentuadas. Todos os campos numéricos presentaranse aliñados á dereita e recheos a ceros pola esquerda sen signos e sen empacar. Todos os campos terán contido, a non ser que se especificase o contrario na descrición do campo. Se non o tivesen, os campos numéricos encheranse a ceros e tanto os alfanuméricos como os alfabéticos a brancos.

B) Deseños lóxicos: descrición dos rexistros dos datos do arquivo:

Para cada parque eólico incluíranse catro tipos diferentes de rexistro, que se distinguen pola primeira posición, de acordo cos seguintes criterios:

- Tipo 1: rexistro único da declaración: datos de identificación da declaración. Deseño de tipo de rexistro 1 dos recollidos máis adiante nestes mesmos apartados.

- Tipo 2: rexistro dos datos para a declaración. Recolle a información correspondente á relación de aeroxeradores instalados no territorio galego. Deseño de tipo de rexistro 2 dos recollidos máis adiante nestes mesmos apartados.

- Tipo 3: rexistro dos datos para a declaración. Recolle a información correspondente á relación do número de aeroxeradores de cada modelo instalados no territorio galego. Deseño de tipo de rexistro 3 dos recollidos máis adiante nestes mesmos apartados.

- Tipo 4: rexistro dos datos para a declaración. Recolle a información correspondente de maneira acumulada dos aeroxeradores instalados no territorio galego. Deseño de tipo de rexistro 4 dos recollidos máis adiante nestes mesmos apartados.

A orde de presentación será a do tipo de rexistro, existindo

- Para o tipo 1: un rexistro.
- Para o tipo 2: un rexistro por cada aeroxerador instalado no territorio galego.
- Para o tipo 3: un rexistro por cada modelo de aeroxerador instalado no territorio galego.

• Para o tipo 4: un rexistro acumulado dos aeroxeradores instalados no territorio galego.

Tipo de rexistro 1: rexistro da declaración: datos da declaración (posicións, natureza e descrición dos campos).

Para o tipo 1: un rexistro.

Posicións	Natureza	Descrición dos campos
1	Numérica	Tipo de rexistro: Constante número «1».
2-4	Numérica	Modelo declaración: Constante «007».
5-9	Numérica	Código do parque: No caso de parques eólicos que estean dados de alta no CEPEG, consignarase o código do parque. No caso de declaración de alta dun novo parque, o código cubrirase a ceros.
10-18	Alfanumérica	NIF: NIF do suxeito pasivo.
19-26	Numérica	Data de efectos: No caso de declaración dos datos do parque e dos aeroxeradores, de acordo co disposto na disposición adicional sétima, a data será o 01.01.2026. Cando se trate dunha declaración de alta dun parque eólico (primeira declaración), a data será a de outorgamento da autorización do parque. Cando se trate dunha modificación dos datos declarados con anterioridade correspondentes ao parque, a data para consignar é a data da autorización da modificación, no caso de que sexa unha modificación que precisase autorización e, en caso contrario, consignarase a data da modificación. Consignarase a data que corresponda, en formato ddmmaaaa, onde: – dd: díxitos correspondentes ao día. – mm: díxitos correspondentes ao mes. – aaaa: díxitos correspondentes ao ano.

Para o tipo 2: un rexistro por cada aeroxerador instalado no territorio galego.

Posicións	Natureza	Descrición dos campos
1	Numérica	Tipo de rexistro:

Posicións	Natureza	Descrición dos campos
		Constante número «2».
2-21	Alfanumérica	Número de serie do aeroxerador: Consignarase o número de serie do aeroxerador. Só no caso de non dispor deste número de serie encherase con espazos en branco.
22-100	Alfanumérica	Modelo do aeroxerador: Consignarase o modelo do aeroxerador instalado no territorio galego.
101-105	Numérica	Altura: Consignarase a altura medida en metros, expresada con dous decimais, dende a base ata o eixe de buxe, de cada aeroxerador instalado no territorio galego.
106-110	Numérica	Diámetro: Consignarase o diámetro do rotor medido en metros, expresado con dous decimais, de cada aeroxerador instalado no territorio galego.

Para o tipo 3: un rexistro por cada modelo de aeroxerador instalado no territorio galego.

Posicións	Natureza	Descrición dos campos
1	Numérica	Tipo de rexistro: Constante número «3».
2-80	Alfanumérica	Modelo do aeroxerador: Consignarase o modelo dos aeroxeradores instalados no territorio galego.
81-83	Numérica	Número de aeroxeradores de cada modelo: Consignarase o número de aeroxeradores de cada modelo instalados no territorio galego.
84-88	Numérica	Altura: Consignarase a altura medida en metros, expresada con dous decimais, dende a base ata o eixe de buxe, de cada modelo de aeroxerador instalado no territorio galego.
89-93	Numérica	Diámetro: Consignarase o diámetro do rotor medido en metros, expresado con dous decimais, de cada modelo de aeroxerador instalado no territorio galego.

Para o tipo 4: un rexistro acumulado dos aeroxeradores instalados no territorio galego.

Posicións	Natureza	Descrición dos campos
1	Numérica	Tipo de rexistro: Constante número «3».
2-4	Numérica	Número de aeroxeradores:

Posicións	Natureza	Descrición dos campos
		Consignarase o número total dos aeroxeradores instalados no territorio galego.
5-12	Numérica	Base impoñible: Consignarase a suma total da altura medida en metros, expresada con dous decimais, dende a superficie do terreo no que se sitúa o aeroxerador ata a punta da pa cando esta se atope no punto máis alto, de todos os aeroxeradores instalados no territorio galego.

Artigo dous. *Modificación da Orde do 27 de xaneiro de 2014 pola que se regulan a subministración electrónica dos cartóns de bingo autorizados na Comunidade Autónoma de Galicia e a presentación e o pagamento electrónico da taxa fiscal sobre o xogo do bingo*

Modifícase o número 2 do artigo 11bis, que queda redactado como segue:

"2. Para realizar esta declaración empregarán o modelo D-043, que conformarán coa aplicación informática que a Atriga poña á súa disposición na OVT, de acordo coas instrucións aprobadas a este respecto no propio modelo e nas condicións e de acordo co procedemento previsto neste artigo.

Para cumprir as obrigas de presentación da declaración, os suxeitos pasivos incorporarán na OVT o arquivo referenciado no punto anterior.

Unha vez transmitido o arquivo, aparecerá unha mensaxe informativa do resultado da carga. O arquivo poderá ser enviado as veces que sexan necesarias, prevalecendo sempre os datos contidos no último arquivo remitido."

Artigo tres. *Modificación da Orde do 20 de outubro de 2015 pola que se establecen as normas de aplicación e a presentación e o pagamento electrónico da taxa fiscal sobre o xogo de apostas deportivas e de competición e se modifican determinadas normas tributarias*

Modifícase o número 2 do artigo 6, que queda redactado como segue:

"2. Para realizar esta declaración empregarán o modelo D-041, que conformarán coa aplicación informática que a Atriga poña á súa disposición na OVT, de acordo coas instrucións aprobadas a este respecto no propio modelo e nas condicións e de acordo co procedemento previsto neste artigo.

Para cumprir as obrigas de presentación da declaración, os suxeitos pasivos incorporarán na OVT o arquivo referenciado no punto anterior.

Unha vez transmitido o arquivo, aparecerá unha mensaxe informativa do resultado da carga. O arquivo poderá ser enviado as veces que sexan necesarias, prevalecendo sempre os datos contidos no último arquivo remitido.”

Artigo catro. Modificación da Orde do 23 de decembro de 2022 pola que se establecen as normas de xestión e liquidación do imposto sobre o depósito de residuos en vertedoiros, a incineración e a co-incineración de residuos (Idires)

Modifícase o número 2 do artigo 13, que queda redactado como segue:

”2. Para realizar esta declaración empregarán o modelo 593, que conformarán coa aplicación informática que a Atriga poña á súa disposición na OVT, de acordo coas instrucións aprobadas a este respecto no propio modelo e nas condicións e de acordo co procedemento previsto neste artigo.

Para cumprir as obrigas de presentación da declaración, os suxeitos pasivos incorporarán na OVT o arquivo referenciado no punto anterior.

Unha vez transmitido o arquivo, aparecerá unha mensaxe informativa do resultado da carga. O arquivo poderá ser enviado as veces que sexan necesarias, prevalecendo sempre os datos contidos no último arquivo remitido.”

Disposición derradeira única. Entrada en vigor

Esta orde entrará en vigor o 1 de xaneiro 2026. No entanto, a disposición adicional sétima, regulada no número nove do artigo un, e o contido do anexo IV, que figura no número dez do artigo un, entrarán en vigor ao día seguinte da publicación desta orde no DOG.